

四庫全書

集部

欽定四庫全書

全蜀藝文志卷八

明 周復俊 編

詩

江山上 附 池沼 堤堰 橋梁

登蛾眉山

唐李白

蜀國多仙山峨眉邈難匹周流試登覽絕怪安可  
悉青冥倚天開彩錯疑畫出冷然紫霞賞果得錦囊  
術雲間吟瓊簫石上弄寶瑟平生有微尚歡笑自此畢

烟容如在顏塵累忽相失倘逢騎羊子攜手凌白日

觀元丹丘坐巫山屏風

前人

昔遊三峽見巫山見畫巫山宛相似疑是天邊十二峯  
飛入君家綵屏裏寒松蕭颯如有聲陽臺微茫如有情  
錦衾瑤席何寂寂楚王神女徒盈盈盈盈咫尺如千里  
翠屏丹崖粲如綺蒼蒼遠樹圍荆門歷歷行舟泛巴水  
水石潺湲萬壑分烟光草色俱氤氳溪花笑日何時落  
江客聽猿幾歲聞使人對此心緬邈疑入嵩丘夢綵雲

荆門浮舟望蜀江

前人

春水月峽來浮舟望安極正見桃花流依然錦江色江  
色渌且明茫茫與天平逶迤巴山盡搖曳楚雲行雪照  
聚沙雁花飛出谷鶯芳洲却已轉碧樹森森迎流目浦  
煙夕揚帆海月生江陵識遙火應到渚宮城

陪李七司馬皂江上觀造竹橋

杜甫

伐竹為橋結構同褰裳不涉往來通天寒白鶴歸華表  
日落蒼龍見水中顧我老非題柱客知君才是濟川功

合懽却笑當時事驅石何時到海東

任懽渠堰志云九昇口堰其源出于皂江至  
郛之柵頭別流為溫江口曰九昇口者實兩  
江之匯也晏公類要云郛江一名皂里今在  
新津昇音恭

野望

前人

西山白雪三城戍南浦清江萬里橋海內風塵諸弟隔  
天涯涕淚一身遙唯將遲暮供多病未有涓埃答聖朝

跨馬出郊時極目不堪人事日蕭條

野望詩西山白雪三奇戍南浦清江萬里橋  
按唐地里志彭州導江縣有三奇戍韋臯傳  
云遣大將陳垼等出三奇西南備邊錄所謂  
三奇營也一本作三年趙氏本作三城當從  
舊本作三奇戍為是李氏云老杜讀書破萬  
卷不曾盡見所讀之書則不能盡注其間又  
用方言如岸漑土銍乃黔蜀人語須是博聞

多識

野望因過常少仙

前人

野橋齊度馬秋望轉悠哉竹覆青城合江從灌口來入  
村樵徑引嘗果栗皴開落盡高天日幽人未遣廻

春日江村

前人

種竹交加翠栽桃爛漫紅經心石鏡月到面雪山風赤  
管隨王命銀章付老翁豈知牙齒落名玷薦賢中

奉觀嚴鄭公廳事岷山沱江畫圖十韻

前人

施水臨中座岷山到北堂  
白波吹粉壁青嶂插雕梁  
直訝杉松冷兼疑菱荇香  
雪雲虛點綴沙草得微茫  
嶺雁隨毫末川蜺飲練光  
霏紅洲藥亂拂黛石羅長  
暗谷非關雨丹楓不為霜  
秋成玄圃外景物洞庭傍  
繪事功殊絕幽襟興激昂  
從來謝太傅丘壑道難忘

閬水歌

前人

嘉陵江色何所似石黛碧玉相因依  
正憐日破浪花出



更復春從沙際歸  
已童蕩漿歌側過水鳥銜魚來去飛  
閬中勝事可腸斷  
閬州城南天下稀

偶宴西蜀摩訶池

暢甫

珍木鬱清池  
風荷左右披  
淺觴寧及醉  
慢舸任從移  
蔭林簟光冷  
照流簪影欹  
胡為獨羈者  
雪涕向連漪

晦日益州北池陪宴

司空曙

臨泛從公日  
仙舟翠幕張  
七橋通碧水  
雙樹接花塘  
玉燭收寒氣  
金波隱夕光  
野聞歌管思  
水靜綺羅香  
遊騎

縈林遠飛撓截岸長郊原懷灞漣陂漾寫江黃常侍傳  
花詔偏裨問羽觴豈令南峴首千載播餘芳

題龍華山

郭震

昔年曾到此山回百鳥聲中酒一盃最好寺邊開眼處

段文昌有讀書臺

出古今  
詩話

富順監中巖

岑象求

瀟灑監城隈聊驅俗駕回世塵飛不到山色翠成堆

嘉陵江

薛逢

借問嘉陵江水湄百川東去爾西之但教清淺清流在  
天路朝宗會有期

登郡前山

羊士諤

洛陽歸客滯巴東處處山櫻雪滿叢峴首當時為風景  
豈將官舍作池籠

遊西湖

房琯

高流纏峻隅城下緬丘墟決渠信浩蕩潭島成江湖結  
宇依回渚水中還可居三伏氣不蒸四達暑自徂

雲頂山

王擁

五色琉璃白晝寒當年佛脚印旃檀藕絲織出三衣妙  
貝葉經傳一偈難夜看聖燈紅菡萏曉驚飛石碧琅玕  
更聞鸚鵡因緣塔八十山僧試說看

金鷄關六言

姚萼

邛笮兩關壁峙蔡蒙四面屏開雲捧峨眉月出江滾平  
羌雪來

南昌灘

州在達

元稹

渠江明淨峽逶迤船到名灘拽筴遲櫓叟動搖妨作夢  
巴童指點笑吟詩畬餘宿麥黃山腹日背殘花白水湄  
物色可憐心莫恨此行都是獨行時

劍門

李商隱

峭壁橫空限一隅劃開元氣達洪樞梯航百貨通邦計  
鍵閉諸蠻屏帝都西威犬戎威北狄南吞荊郢制東吳  
千年管鑰誰銘範只自先天造化爐

錦江春望

高駢

蜀江波影碧悠悠四望烟花匝郡樓  
不會人家多少錦  
春來盡掛樹梢頭

石斛山曉望寄李侍郎

一作斛  
石山

薛濤

曦輪初轉照仙扃旋擘煙嵐上杳冥  
不得玄暉同指點  
天涯蒼翠漫青青

石斛山書事

前人

王家山水畫圖中意事都盧粉墨容  
今日忽登虛境望  
步搖冠翠一千峯

遊青城山六言

李真

春凍曉羈露重夜寒幽枕雲生豈是與山無素丈人著  
帽相迎

題丹景山金華宮

偽蜀太后徐氏

碧煙紅霧漾人衣宿露蒼苔石徑危風巧解吹松上曲  
蝶嬌頻採臉邊脂同尋僻境思攜手暗指遙山學畫眉  
好把身心清淨處角冠霞帔事希夷

丹景山

太妃徐氏

丹景山頭宿梵宮，玉輪金輅駐遙空。  
軍持無水注寒碧，蘭若有花開晚紅。  
武士盡排青嶂下，內人皆在講筵中。  
我家帝子傳王業，積善終期四海同。

漢州三學山看聖燈

偽蜀太后徐氏

虔禱遊魂境，元妃夙志同。  
寶香焚靜夜，銀燭炫遼空。  
泉漱雲根月，鐘敲樹杪風。  
印金標聖迹，飛石顯神功。  
偶望天涯極，臨看日脚紅。  
猿來齋室上，僧集講筵中。  
頓覺超三界，渾疑證六通。  
願成脩偃事，社稷保延洪。



漢州三學山看聖燈

太妃徐氏

聖燈千萬炬旋向碧雲生  
細雨瀝不暗好風吹更明  
磬敲金地響僧唱梵天聲  
若說無心法此光如有情

殘冬客次資陽江

王巖

淡雲殘雪簇江天策蹇遲回客  
興闌持鉢老僧來咒水  
倚船商女待搬灘沙翹白鷺  
非真靜竹映繁梅奈苦寒  
阮籍莫嗟歧路異舊山溪畔有漁竿

過摩訶池

二首

宋祁

十頃隋家舊鑿池，平樹盡，但回隄。清塵滿道，君知否？  
半是當年濁水泥。

池邊不見帛闌船，麥隴連雲樹繞天。百歲興衰已如此，  
爭教東海不為田。

春日出浣花

前人

側蓋天長蕩曉霏，暖風才滿使君旗。水通江渚容魚樂，  
草徧山梁報雉時。場雨減塵盤馬疾，樓雲礙曲進觴遲。  
少陵宅畔吟聲歇，

杜子美宅在浣花溪上

柳碧梅青欲向誰。

憶浣花泛舟

前人

早夏清和在晴江  
汭沂時岸風搖鼓  
吹波日亂旌旗醉  
帶牽湘蔓游鬟撲  
絳蕤樹來驚浦進  
山失悟舟移雅俗  
西南盛歸輶東北  
馳此歡那復得拋  
恨寄天涯

避暑江漬池

前人

溪淺容篙短舟移  
覺岸長烟稠芰荷  
葉霞熱荔支房枝  
疊三搗鼓杯寒十  
饋漿便成逃暑醉  
官事底相妨

房公西湖

蘓轍

酒壓郾筒憶舊醑花傳丘老出新圖北行真勝成都尹  
直為房公百頃湖

錦江思

李新

獨詠滄浪古岸邊牽風柳帶綠凝煙得魚且斫金絲鱸  
醉折桃花倚釣船

合江舟中作

晁公遡

雲氣昏江樹春流沒釣磯如何連夜漲似欲送人歸亂  
石水聲急片帆風力微舟師且停櫓白鷺畏人飛

沱江

劉望之

尚勝三年謫終慙萬里馴極知行路澁可忍在家貧歲晚沱江綠雲深錦樹新相思肯如月夜夜只隨人

浣花溪

馬備

浣花溪邊濯錦裳百花滿潭溪水香竇奩散盡有霜戟草秣匹馬不可當當時濯衣只偶爾豈似取履張子房烈烈遽見蔽此蜀喪亂懷爾徒悲傷年年春風媚楊柳綵纜掩冉雲霞張溪邊遊冶紅粉娘了不識字空悠颺

採花蕩槳不歸去暮隔煙水眠幽芳

靈泉山中

楊甲

何處長松寺雨花雲外臺山從百曲轉路入九關回老  
檜成龍盡殘柯借鶴來人間斤斧亂風壑夜聲哀

寒食遊學射山

前人

疾風吹沙天茫茫日落未落原野黃山空無人不碌碌  
路長馬饑不齧足荒臺古林翳雲族何人剗岳縛層屋  
當時萬騎填山谷至今拾寶多遺鏃故國山川愁遠目

人世悲歡風雨速凌高舉酒天為感手攀巖木扣雲木  
何人唱我淒涼曲興亡一眼冥冥綠野水平蕪飛雁驚

富順西湖

程驤

春風楊柳早藏鴉秋水芙蓉晚著花細數一年湖上景  
天涯行客忽思家

遊大隋山

郭印

我聞大隋名夢寐猶記錄得檄天彭道喜氣知可掬出  
城六十里崎嶇轉江曲山門忽斗上危步倚筇竹崩石

帶煙雲異草羅澗谷寂鳥下窺人  
羆猿時掛木路窮纔見寺金碧  
煥雙目祖師古定光燈冷無人  
續開公生異世大事如付囑僧  
言山長陰朝暮雲容感茲辰為  
我晴疊岫堆濃綠虛閣倚秋風  
一洗塵土俗舉手揖丹景橫身  
跨白鹿十年勞問訊親到心始  
足坐久燭漸微借榻雲間宿山  
寒寐不成窓外泉鳴玉

岑公洞

前人

岑公來避世甲子十周年

隋末  
居此

夏屋虛岩豁神芝結乳



懸木喬從古種香香至今傳

寄香與客人  
事見本傳

學道能堅忍

何人不得仙

摩訶池

梁蕭摩訶所濬

陸游

摩訶古池苑一過一消魂春水生新漲煙蕪沒舊痕年

先走車轍人事轉萍根猶有宮梁燕銜泥入水門

蜀宮中舊

泛舟入此池曲折十餘里今府後門雖已為平陸然猶號水門

夏日過摩訶池

前人

烏帽翩翩白紵輕摩訶池上試閒行淙潺野水鳴空苑

寂歷斜陽下廢城縱轡迎涼看馬影袖鞭尋句聽蟬聲  
白頭散吏元無事却為興亡一愴情

離堆行

沿江有兩崖中斷相傳秦李太守鑿此以分江水又傳李鏐孽龍于潭中今有

伏龍觀在潭上蜀旱支江水潤即遣官致祭壘都江水以自足謂之撮水無不應民祭賽者率以羊歲殺四五萬計

范成大

殘山狼石雙虎卧斧跡鱗皴中鑿破潭淵油油無敢唾  
下有猛龍踰鐵鎖自從分流注石門西州杭稻如黃雲  
剗羊五萬大作社春秋伐鼓蒼煙根我昔官稱勸農使

年年來激西江水成都火米不論錢絲管相隨看蠶市  
款門得得醉清尊椒漿桂酒刪羶葷妄欲一語神豈聞  
更願愛羊如愛人

戲題索橋

陸游詩度索臨千仞梯山躡半空

前人

織簾勾鋪面排繩彊架空染人高曬帛獵戶遠張量薄  
薄難承雨翻翻不受風何時將蜀客東下看垂虹

再題青城山

前人

萬里清遊不暇慵雙旌換得一枝筇來從井絡直西路

上到江源第一峯海內間身輸我佚山中佳氣為人濃  
題詩試刻巖前石付與他年蘇暈重

蜀州西湖

荷花正盛開水月登舟亭也湖陰亭外別有白蓮尤奇蜀中無菱至此始

見之

前人

閒隨渠水來偶到湖光裏仍呼水月舟徑度雲錦地誰  
云不解飲我已荷香醉湖陰玉嬋娟簑立紅粧外何須  
東閣梅悠然自詩思驚風入午暑水竹有秋意采菱不  
盈掬興與蓴鱸會遙知新津宿魂夢亦清麗

中巖

去眉州一程諾詎羅尊者道場相傳昔有天台僧遇病僧與之木鑰匙云異時至眉

州中巖扣石笋當再相見後果然今三石屹立如樓觀前兩樓純紫石中一樓蘿蔓被之傍有竇鉗峰甚端正山半有喚魚潭慈姥龍所居世傳雁蕩大小龍湫亦諾詎羅道場宣化人往來無常處耶

前人

赤巖倚玲竚翠邏森成削峯蔚嵐氣重稀間暑光薄聊  
尋大士處往叩洞門鑰雙撐紫玉闕中矗翠雲幄應供  
華藏海歸坐寶樓閣無法可示人但見雨花落不知龍  
湫勝何似魚潭樂夜深山四來人靜天一握驚看松桂

白月影到林壑門前六月江世界塵漠漠寶鉞有甘露  
一滴洗煩濁捫天援斗杓請為諸君酌

玻瓈江一首戲劾陸務觀作

玻瓈江頭春渌深別時沄沄流到今祇言日遠易排遣  
不道相思翻苦心烏頭可白我可去菖花易青君易尋  
人生若未免離別不如碌碌無知音

凌雲九頂

即大石佛處初登山時巖壁上悉刻  
為小佛不知其數山前佛頭灘受雅

江之衝最  
為艱險

前人

聊為東坡載酒遊萬龕迎我到峰頭江搖九頂風雷過  
雲抹三峨日夜浮古佛臨流都坐斷行人識路亦歸休  
酣酣午枕眠方丈一笑聞身始自由

戲題方響洞

漢嘉廣福院中水洞有聲琅然莫  
知其所在舊名丁東水山谷易今

名且題詩云古人名此丁東水自古丁東  
至今我為改為方響洞要知山水有清音

前人

隔凡水澗不可越衆真微步壺中月徙倚含風玉佩聲  
何須聽作疑賓鐵

寶現溪

雙溪合而一既出巖竇散為此溪叢三藏自西域歸過溪見兩石子闢攬得其

一今藏黑水寺石上有一目端正透底溪以此得名

前人

粲粲卷畫沙鱗鱗翅塵水朝陽相發揮光景艷孔翠寧  
聞雙溪號但見縠紋細神魚不謀食終日印潭底躍珠  
本具眼聊共阿師戲收藏更傳寶一笑落第二

婆羅平

前人

仙聖飛行此是家路逢真境但驚呀神農嘗外盡靈藥  
天女散餘多異花嵐雨逼衣寒似鐵冰泉炊米硬于沙



峯頭事事殊塵世缺甃跳梁笑井蛙

七寶巖

大峨絕頂白水寺已在山半白水寺上至巖又六十里

前人

天如碧玉甌下覆白玉盤晶光眩相射我獨居兩間正  
視不勝瞬却立聊少安但覺風浩浩骨毛森以寒神僊  
杳無處寧論有塵寰身輕一槁葉兩腋如飛翰同行挽  
我衣何往何當還少留作詩去奇哉此憑欄

題蜀山圖

馬德華

翠壁蒼崖峭入天雨餘草木帶春煙錦江東去龍門險

劒閣西來鳥道懸丞相舊圖沙磧裏拾遺高興草堂前  
回看匹馬經行處似有猿聲到耳邊

劒閣圖

王景彰

劒閣雲棧高崖戩嘉陵江水揚清波神局鬼鑿閼幽閣  
秋風古道無人過今朝日華忽西被宇宙淋漓盪元氣  
霆轟颺舉神龍逝山川草木皆生意乃知世道有晦明  
蜀山萬仞如砥平聖人在上四海清

雪山天下高

周洪謨

巨靈擘斷崑崙山移來坤維參井間內作金城障三蜀  
外列碣磧居百蠻自昔蠶叢始開國千巖萬谷積寒雪  
疑有五城十二樓玉色瓏玲界天白光連銀漢霏素虹  
六月大暑飄寒風俯見五嶽在平地遙窺三島皆冥濛  
此去石紐無幾許昔鍾靈秀生大禹當時自此導江流  
至今名垂千萬古

眉山天下秀

大哉兩山相對開小哉迤邐中我來二峩之秀甲天下

何須涉海尋蓬萊昔我登臨彩雲表獨騎白鶴招青鳥  
石龕石洞何參差時遇仙人拾瑤草丹崖瀑布連天河  
大鵬圖南不可過晝昏雷雨起林麓夜深星斗棲巖阿  
四時青黛如綉繪岷嶓蔡蒙實相對昔生三蘓草木枯  
但願再出三蘓輩

瞿唐天下險

兩崖壁立何險巖巴東大江如一絲杜宇神功渺何許  
堯時餘燼誰復知中流灩澦實挺特如牛如馬夏秋月

卷八  
怒濤掀天萬壑雷巨旋觸石千層雪湯湯東去幾洄灣  
虎頭狼尾如連環赤甲下映人鮐甕黃牛高抗鬼門關  
憶昔英雄割據日挿木為梯上絕壁只今四海盡為家  
鎖江鐵柱存何益

巫山天下奇

靈鰲一動海水翻三山飄流無定根岱輿忽失十二峯  
萬里飛墮夔之門仰挹銀漢洗青翠俯瞰長江似衣帶  
地森玉笋青雲端天開卷畫彩虹外山間神女棲陽臺

芙蓉為貌玉為腮如何朝暮弄雲雨却使懷裏相繼來  
無乃宋玉善蠱惑託為怪誕荒淫說只今高崖紫蔓間  
惟有猿哀聲不絕

觀九頂山

九頂峯巒挿太清西戎屏障倚長城四時積雪舉頭見  
千里秋毫入眼明天簇蓮華朝白帝地分鰲足奠蒼生  
我來坐嘯情無限要得憑高望帝京

劒閣圖為王公濟進士題

李東陽

岷峨山高連劒閣峽門中開如鬼鑿盤渦濺沫紛欲躍  
石勢迎流鬪還却驅車入山山路惡水行孤舟陸雙屨  
古來蜀道難于天信美不及還家樂揮毫作圖圖者誰  
東吳老翁生好竒曾蟠萬壑筆三峽或有神助非人為昔  
從此地值竒客直以賞識酬心期江山無情歲月改白頭  
再往失路岐王郎年少今已壯仰睇丹梯隔青嶂遺纈  
斷墨空塵埃我已為子神悲愴酒酣作歌歌始放意氣  
凌嶒聲跌宕君不見風江播地山蹴空誰復壯遊如兩翁

少岷山歌

鄭善夫

君不聞少岷之山連胃婁雄視四川十二州青天萬古  
不得到峯迴嶂轉無時休劒門峨眉各失勢白帝烏鼠  
俯之如浮漚上有許由瓢世人不得用直挂月戶三千  
秋蒙泉瀉天奔龍湫巴溪潏潏學字流瀾騰入汶江萬  
里滄溟收山中老桂色不滓芝草琅玕爛成綺洞口長  
回聲利車盤石但坐煙霞侶宋有蘓長公隋有劉仙子  
採芝斲桂樹長鑱亂雲裏少岷山巉巖不可攀蘇劉以後




人迹復不到，廼有曾東石。架屋讀易子，其間平生負。此  
滄海志少年，訪道青城山。上淪青城絕壁之流霞，下弄  
岷峨陰壑之潺湲。黃熊蒼兕不敢迫，獼狢叫嘯情自懽。  
空谷無人行，蘭草復翻翻。去遊人世十載愁，朱顏吁  
嗟乎！青山信美，蒙泉亦可以洗君耳。君胡為乎城市，許  
由之瓢欲何俟？終南有捷徑，北山有俗軌。玄猿獨鶴冷  
眼遙看爾，紅塵白馬有何益？柴桑不負陶，彭澤歸來乎。  
曾東石

劔閣行寄總制都憲彭公濟物

孫太初

太白山人

老子輕裘豪且雄  
挽弓射龍江水中  
落日半壁翻江赤  
巫峽明月啼猿狖  
中原一髮渺何許  
峨岷萬里來秋風  
古云劔閣罪真宰  
盜賊竊據今無同  
地生度量固人力  
全活民命天為忠  
健兒倒戈喜多夢  
歸來散馬關之東  
燕然銅柱亦細事  
致君堯舜臣之功  
野夫甘守西山餓  
再見庶物回冲融



全蜀藝文志卷八

欽定四庫全書

集部

全蜀藝文志卷九

詳校官內閣中書<sub>臣</sub>李杲

侍讀<sub>臣</sub>孫球覆勘

總校官進士<sub>臣</sub>繆琪

校對官中書<sub>臣</sub>李荃

謄錄監生<sub>臣</sub>王焜

欽定四庫全書

全蜀藝文志卷九

明 周復俊 編

詩

江山下

巫山高

齊虞羲

南國多奇山別巫獨靈異雲雨麗以桂陽臺重怨

一作千里

思勿言在可

一作可再

得特美君王意高唐一斷絕光陰不

可遲

同前

劉繪

高唐與巫山參差鬱相望灼爍在雲間氤氲出雲

一作霞

上散雨收夕臺行雲卷晨帳出沒不易期嬋娟似

一作以

惆悵

同前

梁元帝

巫山高不窮迥出荆門中灘聲下濺石猿鳴上逐風樹

雜山如畫

一作畫

林暗澗疑空無因謝神女一爲出房櫳

同前

梁王泰

迢遞巫山好

一作疎

遠天新霽時樹交涼去遠草合影開

遲谷深流響咽峽近猿聲悲只言雲雨狀自有神仙期

同前

梁范雲

巫山高不極白日隱光暉靄靄朝雲去溟溟暮雨歸巖

懸獸無迹林暗鳥疑飛枕席竟誰

一作空

薦相望日

一作空

依依

同前

陳蕭詮

巫山映巫峽高高殊未窮猿聲不辨處雨色詎分空懸

崖下桂影

一作月

深澗響松風別有仙雲起時向楚王宮

同前

唐鄭世翼

巫山凌太清岩峩類削成霏霏暮雨合靄靄朝雲生危  
峯入鳥道深谷瀉猿聲別有幽棲客淹留攀桂情

同前

陸敬

巫岫鬱岩峩高高入紫霄白雲抱危石玄猿迴桂

一作桂迴

條懸崖激巨浪脆葉殞驚飈別有陽臺處風雨共飄飄

一作飄飄



同前

李元操

荆門對巫峽雲夢通陽臺燎火如奔電墜石似驚雷天  
寒秋水急風靜夜猿哀枕席無由薦朝雲徒去來

同前

廬照鄰

巫山望不極望望下朝氛莫辨啼猿樹徒看神女雲驚  
濤亂水脉驟雨暗岑一作峯文需裳即此地况復遠思君

同前

閻立本

君不見巫山高高半天起絕壁千尋畫相似君不見巫

山礚西翠屏開湘江碧水遠山來綠樹春嬌明月峽紅  
花朝覆白雲臺臺上朝雲無定所此中窈窕神仙女仙  
女盈盈仙骨飛清容出沒有光輝欲暮高唐行雨送今  
宵定入荆王夢荆王夢裏愛穠華枕席初開紅帳遮可  
憐欲曉啼猿處說道巫山是妾家

同前

喬知之

巫山十二峯參差互隱見潯陽幾千里周覽忽已遍想  
像神女姿摘芳共珍薦楚雲何逶迤紅樹日蔥蒨楚雲

沒湘源紅樹斷荆門  
郢路不可見況復夜聞猿

同前

沈佺期

巫山峯十二合沓

一作環合

隱昭回俯眺琵琶峽  
平看雲雨

臺古槎天外倚瀑水  
日邊來何忍猿啼夜  
荆王枕席開

同前

張九齡

巫山與天近煙景常  
青焚此中楚王夢夢  
得神女靈神

女去已久白雲

一作雲雨

空冥冥唯有巴猿嘯  
哀音不可聽

同前

皇甫冉

巫峽見巴東迢迢出半

一作半出

空雲藏神女館雨到楚王

宮朝暮泉聲落寒暄樹色同清猿不可聽偏在九秋中

同前

李端

巫山十二峯皆在碧虛中回合雲藏日霏微雨帶風猿  
聲寒過澗樹色暮連空愁向高唐去清秋見楚宮

同前

張循之

巫山高不極合沓

一作沓

狀奇新暗谷疑風雨幽巖若鬼

神月明三峽曙潮滿二江春爲問陽臺客應知入夢人

同前

李沈

沒天心開地脉浮動凌霄拂蓋碧襄王端眸望不及似  
睹瑤姬長嘆息巫粧不治獨西望暗泣紅蕉抱雲帳君  
王妬妾夢荆宮虛抱金沉印仙掌紅濤迅激如相助十  
二獰龍怒行雨崑崙謾有通天路九峯正在天低處

同前

李賀

巫山叢叢高挿天巴江翻瀾神曳煙楚魂尋夢風颼然  
曉風飛雨生苔錢瑤姬一去一千年丁香筇竹啼老猿

古祠近月蟾桂寒椒花墜紅濕雲間

同前

陳陶

玉峯青雲

一作靈

十二枝金母和雲賜瑤姬花宮磊砢楚

宮外

一作列

列仙

一作仙客

八面星斗垂秀色無雙怨三峽春

風幾夢襄王獵青鸞不在嬾吹簫斑竹題詩寄江妾飄  
飄散絲巴子天苔棠玉轡紅霞幡歸時白帝掩青瑣瓊  
枝草草遺湘煙

同前

羅隱

下壓重泉上千仞香雲結夢西風緊縱有精靈得往來  
狔軌鼉軒亦顛隕嵐光巉巉雷隱隱愁爲衣裳恨爲鬢  
暮灑朝行何所之江邊日月情無盡珠零冷露墜丹楓  
細腰長臉愁滿宮人生對面猶異同況在千巖萬壑中

巫山高

并序

宋范成大

余舊嘗用韓無咎韻題陳季陵巫山圖考宋王賦意  
辨高唐之事甚詳今過陽臺之下復賦樂府一首世  
傳瑤姬爲西王母女嘗佐禹治水廟中石刻在焉

濕雲不收煙雨霏峽船作灘梢廟磯杜鵑無聲猿叫斷  
惟有飢鴉迎客飛西真功高佐禹跡斧鑿鱗皴倚天壁  
上有瑤簪十二尖下有黃湍三百尺蔓化蚪木風煙昏  
蘚珮翠帷香火寒靈旂飄忽定何許時有行人開廟門  
楚客詞章元是諷紛紛餘子空嘲弄玉色朱顏不可干  
人間錯說高堂夢

後巫山高一首

前人

疑真宮前十二峯兩峯娟妙翠挿空餘峯競秀尚多有



白壁蒼崖無數重，秋江漱石半山腹。  
倚天削鐵荒行蹤，造化鍾奇蟲瑤巖。  
真靈擇勝探珠宮，朝雲未罷暮雲起。  
陰晴竟日長冥濛，瑤姬作意送歸客。  
一夜收繚仍回風，仰看館御飛檝過。  
回首已在虛無中，惟餘烏鴉作使者。  
迎船送船西復東。

初入巫峽

前人

鑽火巴東岸，捫金峽口船。  
東江岸欲合，漱石水多漩。  
卓午二竿日，中間一罅天。  
偉哉神禹跡，疏鑿此山川。

瞿唐行

七月十九日至夔子灩澦撒髮不可犯  
是夜水漲及山腹詰旦視灩澦則已在

水中土人云此青草莽也可以冒險而  
入遂鼓棹略其頂而過郡中遣候兵立  
山上每一舟平安則搖幟以召後舟白  
鹽赤甲皆峽口大山黃嵌黑石皆峽中  
至險處入峽西岸有聖泉舟人或向之  
疾呼曰人渴也泉即迸下一杯許復乾  
余舟過甚急  
未之試也

前人

川靈知我歸有程一夜漲痕千丈生中流擊楫洶作氣  
夾岸簸旗呀失聲不知灩澦在船底但覺瞿唐如鏡平  
鑿峽疏川狼石破號山索飲飛泉驚白鹽赤甲轉頭失

黑石黃嵌拚命輕草薺增肥無泊處竹枝凝咽空餘情  
人間險路此奇絕客裏驚心吾飽更劒閣翻成蜀道易  
請歌范子瞿唐行

嘲峽石

前人

峽山江濱亂石萬狀極其醜怪不可形容舉非世間  
諸所有石之狀走筆戲題且以紀異

峽山狠無情其下多醜石頑質賈憎唾傀狀發笑啞麤  
類墳壤黃沉清鐵矢黑或如溝泥浣或如凍壁圻堆疑

聚廩粟侈若壞城甃槎牙鏤朽木狼藉委枯骼礪砢包  
羸蚌淋漓錮鉛錫縱紋瓦溝壟橫疊衣摺襞鱗皴斧鑿  
餘坎窩蹴踏力云何清淑氣孕此譎詭跡我本一丘壑  
嗜石舊成癖端溪紫琳腴洮河綠沈色階用截肪臘泗  
磬鳴球擊嵌空太湖底偶立韶江側真陽薊千崑營道  
剗寸碧倦遊所閱多未易一二籍竭來茲山下刺眼昔  
未覲或云峽多材奇秀鬱以積絕代昭君村驚世屈原  
宅東家兩兒女氣足豪萬國山石何重輕奚暇更融液

我亦味其言作詩曉行客

十二峯詩望霞峯

閻伯敏

東皇君來流曉霞暮看西北王母家雲華夫人王母女  
肯爲廟食留三巴

翠屏峯

秋山黃落春山青不識仙家雲錦屏六銖天衣下拂石  
香風馥郁朝真亭

朝雲峯

山頭行雲自朝朝  
陽臺暮色連雲霄  
朝來暮去變雲雨  
送老行客無回橈

松巒峯

舟船搖搖大巫前  
松間絲蘿望纏綿  
屏風角轉恰匝背  
心在山頭人倚船

集仙峯

綠簑鞋繫青行纏  
束薪緼火問山田  
雲間似聽仙佩響  
蓬鬢拂掠燒畬煙

聚鶴峯

望夫石女春復秋  
巴歌初舞隨遨頭  
夜深九臯清唳響  
仙禽亦替離人愁

淨壇峯

山頭枝枝竹掃壇  
舟子竹枝歌上灘  
炷香上廟擲杯琰  
但乞如願舟平安

上昇峯

黃魔白馬功告成  
雲華夫人朝玉京  
禹后夏后引音節

高低峽船搖櫓聲

起雲峯

釵頭嫋娜山花枝  
裙尾舊纈山麻衣  
朝隨雲起采薪去  
暮趁女伴穿雲歸

栖鳳峯

山頭鳳鳴求其凰  
山前家家背鳳筐  
竹花結實未忍食  
刀耕火種五里香

登龍峯



散而成章合為龍回風混合游鴻濛舟人上下神女供  
俗粧鉛粉顰脂紅

聖泉峯

靈泉一派瑤池分灑落掉石隨東奔楚人但愛香溪水  
溪邊為有昭君村

十二峯古風二十五韻

素說

平生酷嗜岩壑姿奇峯怪石貪成癡雲烟變幻瞥眼過張  
皇懼覓惟憂遲東南名山半遊歷就中所欠巫山奇巫山

之峯冠已峽奇峯十二相參差昔年圖畫嘗一見欲見此  
山無路之扁舟西沂上三峽千崑萬壑爭追隨終朝應接  
不已暇心目洞駭俱忘疲驀然鉦鼓高唐上峯巒二六排

旌旗一峯霞彩炯在望一峯展翠開屏帷

望霞峯翠屏峯

無心出

岫雲吐色偃蓋平巒松並枝

朝雲峯松巒峯

僊蹤鶴駕羽衣近壇

石瑤臺閭闔低

集仙峯聚鶴峯淨壇峯上昇峯

白雲一起鳳凰下清泉四

合蛟龍嬉

起雲峯聖泉峯栖鳳峯登龍峯

羣峯角立變態異一一大巧乾

坤為外堪擊拊試聲律中含造化分四時天下名山亦多

矣未有列岫奇如茲九華一景固天巧惜與江流相背  
馳南北兩峯喧衆口粧抹却恨同西施何如此峯何限  
好行行列列橫江湄煙雲漠漠出寸碧風雨時時勻黛  
眉舟人漁子謾回首騷士墨客勞支頤我來穿水入天  
去貂裘章甫生塵緇昂頭見此大奇特躋攀不上空嗟  
嘻吾將欲訪三島登九嶷上蓬萊道山之壁絕泰華終  
南之嶠飛鳧去舄嘯滄海却來巫峽溫前詩

次韻

錢鏊

文昌仙伯天人姿愛山尋勝如書癡忽摩台符歷參井  
麾幢沂峽春遲遲山靈川后總効職萬壑千崑俱獻奇  
就中巫山絕雄勝揮天紫翠相參差神妃來下珮聲遠  
駐此名地相安之峯旋地轉自前後屹立萬馬如追隨  
兩山有川幻天巧禹功到此神應疲仰天照眼如足練  
舟行電掣翻雲旗迅帆競惜峯巒過餘艖望眼蒙褰帷  
懸崖下有欲落石古木上有參天枝龍登鶴聚仙既集  
雲昇雨暗天如低從來三峽號至險高牙穩泛如遊嬉

揚旌一覽天下勝詞源倒峽知優爲嘗聞竒觀天亦惜  
遇賢輒與因其時少陵寓此雖窮寂妙語驚人多在茲  
雕鐫萬象發大閤衙官屈宋聲爭馳公今曳履星辰上  
調元妙手行將施天教來作東道主歡聲和氣生江湄  
公來頓覺雪山重青城增氣連峨嵋首驅巫陽入新句  
一洗前作堪解頤英詞從此遍蜀道迥出塵表無纖縑  
嘗憂此地難久駐轉首絕景成嗟嘻直欲使拂素練圖  
翠巖寫松巒起雲之狀模翠屏栖鳳之嵎終朝誦公有

聲畫却來看此無聲詩

次韻

母丘恪

縑素巧貌谿山姿寶藏昔笑虎頭癡何人夜半肱篋去  
信爲羽化無疑遲魏明不惜萬夫力鑿山累土誇神竒  
景陽突起芳林苑穀城文石光參差葉公好龍廣射虎  
大方安能不笑之至人於物特寓目遠象過眼心弗隨  
我公看山正如此肯趣無窮脚力疲胷中五嶽鎮地軸  
眼底三辰昭旌旗文星仙伯寵分鉞來撫蜀土初褰帷

巫山一覽窺妙處寫入長歌賡竹枝坐令十二峯增重  
已覺氣壓嵩華低太室少室敢輩行小孤大孤何兒嬉  
岱宗日觀峻徒爾崑崙天柱高安爲出雲作雨均有是  
泥金鏤玉彼一時所謂造化一尤物不住九華真在茲  
中山前言恐遂廢公之妙論已四馳半語尤存大公正  
蟠胃經濟看設施要令利澤均四海無論山崖與水湄  
只今蒼生方屬望休戚在公顰伸眉願公更爲天下重  
所養自養觀諸願量陂誰復能澄撓德表居然無磷緇

巖石巍巍具瞻在孰不嘆仰聲噫嘻又何必東望瀛南  
望嶷北有天後之劍嶺西有雲表之峨嵋與公高名並  
不朽配以今日巫山詩

次韻

黃人傑

文昌老仙絕俗姿愛山成癖非兒癡胷中況自有丘壑  
檻結瑰異當恐遲坤維謀畧出分閭江山致助爭出奇  
尋幽選勝上巫峽斷崖怪石懸參差十二峯前弭征楫  
枝藤直上窮所之雲煙變態千萬狀過眼神動驚天隨



人疑躋攀欲力盡公自樂此良不疲瑤華真妃似風駕  
風馬盡下揚旛旗層巒好處起蒼壁丹霞望門開赤幃  
登壇定可拾瑤翠却老未應無玉枝仰天一笑睨寥廓  
俯視培塿丘陵低頗疑遊龍出飛躍恍若栖鳳猶娛嬉  
喬松跨鶴遠近集雲雨濟人朝暮為壇維野翠有餘潤  
泉拖修帛無窮時一經盼睐便改觀陽臺價重當由茲  
惜哉牙纛不久駐鷁首未轉檣烏馳輕縑素練欲摹寫  
摹畫難著五采施筆端機杼始潛運悠然寄興滄洲湄

章成密簡繡衣使繡衣翰墨今白眉珠酬玉唱兩相和  
三嘆盡解騷人願好刊蒼珉示千古磨而不磷涅不緇  
紛紛我輩小巫耳健讀數過徒噫嘻待從兩公奠西極  
安南嶽收關河百二之險薊岷峨萬仞之嶺大書有宋  
中興頌東還更和巫山詩

客有自成都來者傳制帥華學尚書年丈巫山  
詩輒次韻奉寄

許及之

巖壑豈是鐘鼎姿出處相較點與癡我家漸東山水窟

閒窺壺中日月遲坎蛙固守井底見鴈蕩斷云天下奇  
坐想天柱高突兀便覺穹窿排參差歸胡不歸歸未得  
吾非故吾吾何之南宦祝融常在眼北征太行長相隨  
每欲拓關令混一其奈意廣憐庸疲故人開府鎮巴蜀  
大江楊舫張虹旗紀行先要實古錦及境始事蹇赤帷  
陽侯似知公得句吳榜婁舞下折枝有客傳誦巫山高  
長安那復紙價低襄王胡爲愛文賦宋玉大以供戲嬉  
山川本以靈雨祀神明何及襄瀆爲牽牛織女謗自古

小姑彭郎訛一時刺喜新篇有如此洗空遣恨從今茲  
蜀道誰云在天上政譽已逐詩聲馳世情嚮背南北阮  
人物妍醜東西施願君滄溟恢宇量聽披鉞麗居井湄  
已爲下戶代輸額更要全蜀俱伸眉西都父老久延頸  
關外士卒寬張頤訪尋恐有玄尚白流落寧無素染緇  
規模所至欣濟濟民俗定自臻嘻嘻政成化洽公何疑  
無人風月鐫峨嵋歸來要著浯溪頌吾上中和宣布詩

次韻

丁逢

半雨半晴山弄姿，濕雲吹風不成癡。  
靡蕪漸徧楚宮碧，蒲萄木漲已江遲。  
西南人尹初涉境，山川效職加瑰奇。  
翠屏窺牕故娟妙，松巒映帶相參差。  
浮雲擊汰睨青壁，靈君一去今安之。  
吟情浩蕩隘宇宙，萬景散云驕莫隨。  
當年楚境半天下，孱王醉夢方昏疲。  
珊珊玉佩赤帝女，星鬢羽蓋蜺旌旗。  
錫符賜紫豈無意，侍臣託諷褰幃帷。  
尹今文采繼騷雅，夢得詩魂羞竹枝。  
吾行一百八盤上，鑽天但覺天雲低。  
荒野驛虎豹怒，陰陰崩樹猿猱嬉。

危登險陟倦三伏口呿背決嗟胡爲豈知舟行有奇觀  
山靈秘惜留歸時青簾白舫夙已具芒屨布襪將從茲  
胷中丘壑未塵土頭上歲月從驅馳雖無勝具逐支許  
尚有樂趣同周施何當投劾便歸去發船打鼓清江湄  
更催尺一喚公覲同看二六浮修眉常山蛇陣想魚復  
建溪龍焙傾慕頤攤錢畫浪看三老杖藜晚岸尋名緇  
昔人沒嶺寄書帖更歌蜀道先吁嘻未若尹外岳牧中  
丞疑惠愛春江之赴滄海清明秋月之掛峨嵋盡驅三

峽波濤筆第八思齊訪落詩

次韻

閭丘泳

舟行觀山無定姿蓬底兀坐真兒癡層崖複巖正雜還  
平崗橫阜俄逶遲晴嵐參天固競秀深巖挺石尤多奇  
遙岑浮眉綠點點飛瀑懸劒鋒差差飽聞巫山妙天下  
今誦公詩如見之蓬仙來應人間世妙齡便有聲名隨  
日談經術輔主聖久領國計嗤驚疲共推經邦濟川楫  
暫建分陝元戎旗百城聽令仰賜履三邊制勝如籌帷

欽定四庫全書

全明堂文卷九

十八

長江高唐神女峽萬里崑崙分一枝峯巒林立入霄漢  
塔廟選勝居高低響山猿啼聲若嘯迎棹鴉舞來如嬉今  
母分畀神靈職孰去朝暮陽臺爲琅函藥笈發天秘贊  
禹治水唐虞時英辭一洗千載陋寫之琬琰宜自茲人  
思傳本快先睹蔡邕石經車馬馳北暢威名被沙漠西  
莫夷落連黔施帝遣雲輶鎮南極祠宮姑寓江之湄湘  
君時過鼓瑤瑟宓妃豈復颺蛾眉金闕已伴坐少廣丹  
經孰授踰期頤野人塵容粗知學素守亦復涅不緇竭



來乘輶職飛輓兩見祈穀歌噫嘻疲氓崎嶇上轉粟舊  
業荒落南窺疑勞生屢已度劍棧清遊頗念登峨眉從  
今崧高雅頌手那數韓子南山詩

次韻

張綬

化工神偉開物姿剗石萬仞不作癡巍峩聳立威鳳舉  
急峽怒流奔馬遲隱然萬里形勝重信矣四海游觀奇  
天開足練勢截雲擁列嶂青參差輿圖悚視天設險  
舟楫競與江東之何年宇宙此盤據遠攬泰華宜肩隨

習吞雲夢盪物表昔決飛鳥忘神疲元戎受任盛節制  
列艦徑度羅旌旗天香來時滿衣袖講殿幾日辭書幃  
詞源浩蕩春峽水句律飄揚秋桂枝天門有路穿水底  
筆力到古羣峯低遠參退之賦山園下陋樊川娛水嬉

吾聞京城南茲爲羣山園退之南山詩也

有神相宅理應爾夢賦靡曼奚其

爲流轉不根憐已久高詠取正今逢時昔年飛輓忝將  
指異境名言猶念茲大篇巨軸窺勝賞赤甲白鹽神坐  
馳有從絕唱發奇偉衆作絢彩同彰施德風草偃聞以外

觀頌下轉江之湄寧須三年秦漢計行復八彩瞻堯眉  
慈恩論契肯隔面草堂枉駕忽解頤我方卧雲書自伴  
公詠入相衣宜緇少須凋瘵盡摩撫大賑倉穀歌噫嘻  
潼利告早歉公方大舉荒政會看丹詔來北闕更上岷嶺登峨嵋江  
江助協此嘉會載賡歸寫明良詩

次韻

李嘉謀

道人愛山出天姿自謂計點人嫌癡獨遊名山看不足  
每得勝處行爲遲誰人能知物外賞世上自有壺中奇

一行作吏困汨沒便與好境相參差晚兔投林今適願  
窮猿得木吾何之芒鞋竹杖恣如往煙蓑雨笠長相隨  
青山愈好足力盡此意未止駕駘疲路逢行人說大尹  
正見諭蜀揚舲旗好賢招邀每虛席問俗疾苦時褰帷  
才華落落清廟器詩筆粲粲珊瑚枝曾吞楚澤八九盡  
氣壓巫峽羣山低大峯連娟爭嫵媚蒼壁徙倚供遊嬉  
巴東巴峽古所重作雲作雨今胡爲有情飛鳶送迎客  
無數棹歌來去時昔日畫圖曾見者何意忽此今逢茲

邇來豐碑在人口已與流水爭東馳政用中和得大體  
智出毫末非全施不獨英聲流上國已有詩卷傳江湄  
狼烽長閒一鼓腹耕隴不見愁生眉都門髣髴記分袂  
蜀道修阻常支頤持謁見公敢論舊撫髀顧我清無緇  
樽俎頻開閒共語歌謳聊與民同嘻忽然晨日在東壁  
但見山月來峨嵋行吟何獨壯三峽在處山靈來乞詩

廣溪峽

唐楊炯

廣溪一峽首曠望兼川陸山路遠羊腸江城鎮魚腹喬

枝百丈偃飛水千尋瀑驚浪回高天盤渦轉深谷漢氏  
昔云季中原爭逐鹿天下有英雄襄陽有龍伏常山集  
軍旅永安興版築池臺忽有傾邦家遽淪覆庸才若後  
主忠佐爲心腹設險猶可存當無賈生哭

天池

杜甫

天池馬不到嵐壁鳥纔通百頃青雲杪層波白石中鬱  
紆騰秀氣蕭瑟浸寒空直對巫山出兼疑夏禹功魚龍  
開闢有菱芡古今同聞道奔雷黑初看浴日紅飄零神

女雨斷續楚王風欲問支機石如臨獻寶宮  
九秋驚鴈序萬里狎漁翁更是無人處誅勞任薄功

峽中山

盧象

高唐幾百里雲樹接陽臺晚見江山霽宵聞風雨來  
雷從三峽起天向數峯開靈境信難見輕舟那可迴

過巫峽

李頻

擁棹向驚湍巫山直下看削成從地底峻極出雲端  
暮雨晴歸少啼猿渴下難一聞神女去風竹掃空壇

巫峽

曹松

巫山蒼翠峽通津下有仙宮楚女真不逐綵雲歸碧落  
却爲暮雨撲行人年年舊事音容在日日誰家夢想頻  
應是荆山留不住至今猶得覩芳塵

望巫山

張喬

溪疊雲深轉谷遲暝投孤店草蟲悲愁連遠水波濤夜  
夢斷空山雨電時邊海故園荒後賣入關玄鬢夜來衰  
東歸未必勝羈旅況是東歸未有期



巫山神女廟

劉禹錫

巫山十二鬱蒼蒼  
片石亭亭號女郎  
曉霧乍開疑卷幔  
山花欲謝似殘粧  
星河好夜聞清佩  
雲雨歸時帶異香  
何事神仙九天上  
人間來就楚襄王

酬人貽巴峽圖

薛濤

千疊雲峯萬丈湖  
白波分去繞荆吳  
感君識我枕流意  
重示瞿唐峽口圖

巫山

宋曾慥

巫山不可見翠岫幾重重雲外藏三島江頭認九峯淡  
煙迷暝色疎雨浥秋容目斷凝貞路松風傳暮鐘

離巫山晚泊棹石灘下

李真

黃昏風雨阻江濱翠綰羣峯暮色勻一夜子規啼到曉  
孤舟愁殺未歸人

入峽

蘇軾

自昔懷清賞今茲得縱探長江連楚蜀萬派瀉東南合  
水來如電黔波綠似藍餘流細不數遠勢競相參入峽

初無路連山忽似龕縈紆收浩渺感縮作淵潭風過如  
呼吸雲生似吐含陞崖鳴窅窅垂蔓綠瑤瑤冷翠多崖  
竹孤生有石楠飛泉飄亂雪怪石走驚驂絕澗知深淺  
樵童忽兩三人煙偶逢郭沙岸可乘籃野戍荒州縣邦  
君古子男放衙鳴晚鼓留客薦霜柑聞道黃精草叢生  
綠玉簪盡應充食飲不見有彭聃氣候冬猶暖星河夜  
半涵遺民悲祖衍舊俗接魚蠹版屋漫無瓦巖居窄似  
菴伐薪常冒險得米不盈甌歎息生何陋劬勞不自慙

葉舟輕遠沂大浪固無語矍鑠空相視嘔啞莫與談蠻  
荒安可駐幽邃信難耽獨愛孤棲鶻高超百尺嵐橫飛  
應自得遠颺似無貪振翮遊霄漢無心顧雀鷁塵勞世  
方病局束我何堪盡解林泉好多爲富貴酣試看飛鳥  
樂高遁此心甘

入峽

蘇轍

舟行瞿唐口兩耳風鳴號渺然長江水千里投一瓢峽  
門石爲戶鬱怒水力驕扁舟落中流浩如一葉飄呼吸

信奔浪不復由長篙捩舵破瀆旋畏與亂石遭兩山威  
相值望之不容舫漸近乃可入白鹽最雄高草木皆倒  
生哀叫悲玄猿白雲縹長袖零露如飛毛緬懷泮水年  
慘感病有堯禹益決岷水屢與山鬼鏖摧崗轉大石破  
地疏洪濤巉巉當道山斬截肩尾銷峭壁削下趾連峯  
斷修腰破處不生草上不掛鳥巢水怪不盡戮下有龍  
與鼇遼哉千萬年禹死遺跡牢豈必見河洛開峽斯已  
勞

峽口

宋肇

萬里西南路瞿唐居上游峽分山對立江合水爭流蛟  
鰐從來患風波自古愁幾時飛兩槳歸去慢帆秋

瞿塘峽

陳謙

庸蜀諸羌水荆吳萬里渾不將崖約束焉免壑崩奔線  
引溫湯浦觴浮雪水源槎程疑欲盡西望氣魂魂

氣魂見

山海經

瞿塘峽二首

李石

我行江南上峽來繫舟夜泊雲雨臺行到西川一萬里  
杜鵑聲急桃花開

花開歸去客在船人道雲安有杜鵑峽山無路續百丈  
胡獼上樹拊連天

峽中

前人

峽水方中駐歸舟泝蜀門竹枝聲處處梅葉雪村村來  
去山蠻笑啼號地主恩幸然窮性命不必賦招魂

峽山古調詩

杜曾

濫觴岷山側

此江出岷山

朝宗蓋自然沸沸出幽竇滔滔成

巨川深流疑徹地遠勢欲浮天萬石攢若闢一流瀉如

懸二蜀通貨博三峽爲防堅上下比聲艱險往來爭沂

沿衝高瀆氣盛轉急洶形圓行人戒仲夏招子尚耆年

主舟人謂之長年三老

風波雖滅裂灘磧且叢駢湍聲混蠻市漲

潤入畬田傍臨股且栗順下目無前浮沫逢槎聚垂瀑

依岸穿哀猿藏森

上聲

聳渴鹿聽潺湲幽勝祠宇密傾危

村舍連寒沙淹宿雨暖淑罩春煙青蕪隨遠曲白鳥戲



輕連常經祇名利舊隱多神仙至清逃鱗鱗極奧容鱗

鱣楚臣忠義鬱

屈原也

巫女威福專

巫山廟人多祈祀

龍驤戰具

敏鯨嗣導功全瞿塘十里閭灩澦一丘偏底柱不足擬

呂梁誠浪傳伊予非智者被命徒勉旃尺短糾列郡寸

進乘孤船一步一竿探百丈百夫牽通夕但耿耿終日

惟乾乾廢職罹罪罟委命推化甄寄言千金子狂狷可

間焉

雲安下偶成

邵傳

輕波颭鴨頭小艇翔燕尾風沙三十程雲水一千里雪  
盡晚寒輕日長春睡美汀蕪翹碧茅岸樹裏紅藥江潭  
清鏡中山入翠屏裏蜀鳥已驚心巴猿猶側耳竹節數  
名灘桃花驗新水谷鴛歌尚慵檣燕舞何喜落日浪鎔  
金殘花風翦綺斯遊興最多了不知行止

泊雲安下大風驟雨作栢梁體一篇

前人

晴空赤日飛丹霞扁舟春熱汗且呀寒溫之候無乃差

朝猶挾纈莫著紗祝融暴橫勢莫加驟將炎赫移韶華  
東皇游冶窮豪奢未終節序還其家忍驚猛吹揚白沙  
煙雲四起相邀遮空中輾轆鳴雷車縱橫白雨懸亂麻  
風師雨將相矜夸千力萬梁爭竄譁玄旌皂纛何紛葩  
勢搖兩蜀掀三巴須臾雨止雷停撾蒼雲掃盡天無瑕  
恍如脫兔離輕置回頭已見羲輪斜山開水盡風色嘉  
喜翔燕雀嬉魚鰕紅顛白倒粉殘花披張林葉舒草芽  
陰陽變化誰咄嗟風雲乃爾相喧拏大氣一氣通幽遐

彼蒼高遠安能涯倚峯吟望心目賒碧雲千里號啼  
鴟

雲安龍脊灘

楊濟

洞庭老龍時出沒萬斛舟航俱辟易此龍脊背已鐵石  
肯逐時好作人日我呼邦人來踏磧恍然如見紅圖出  
大巫雞卜占雲吉小巫竹枝歌轉激飄石揚沙障江色  
塵埃何處不相襲摩挲石刻聊偃息恐有老人來  
橫笛

雲安下巖

杜東之

濤江翻雪卷湖灘  
晚泊巖扉暫解顏  
夙有淨緣逢寺善  
老無生理作僧閒  
殘雲已斷獨飛雨  
落日將沈却照山  
半夜秋聲驚客夢  
一簾珠貝冷珊珊

下巖避暑留題

楊邁

古寺重來興轉添  
舟中午暑正炎炎  
野僧引客登山閣  
稚子穿雲映水簾  
熱得清涼身暫健  
老便閒靜意難厭  
人間劫火方撩亂  
法雨何如為普沾

下巖唐末有劉道者定州無極人聞道於雲居  
膺祥師爲開巖第一祖法號道微自鑿石龕曰  
死便藏龕中不用時日門人奉其命二百年矣  
來遊者題詩不可勝讀莫能起此開巖者故予  
作二篇表見之其一用楊子安韻其一用王定  
國韻

黃庭堅

空巖靜發鐘磬響古木倒掛藤蘿昏  
莫道蒼崖鎖靈骨  
時應持鉢到諸村

又

寺古松楠老巖虛塔廟開僧綠蠶麥去官數荔支來石  
空無心室雲鋪稱意苔若爲劉道者拽得鼻頭迴

按部留小詩命男明復同賦

郭印

地涉雲安境山名燕子龕簾垂看急溜蓋偃得修楠牢  
落前賢蹟光明有佛庵幽禽知客至一一解玄談

又

郭明復

道人昔日來開山山鬼悔泣門不關一時梵宇借嵒麓

千載絕景歸人間松蘿鬱勃樹旌纛水泉丁東鳴珮環  
兩蘇寂寞涪翁死杖屨誰與同躋攀

僕既與子應賦觀瀑詩矣頃之而定瀑小疏爲  
水簾驚變態之不窮也復記之以詩

張灝

朝來雨急飛瀑雄黑雲壓屋江掛虹晚來雨定瀑亦小  
散作水縷鐙簷櫺垂簷初似玉成綴觸石但見珠跳空  
嗟哉山泉一物耳朝態暮狀不爾窮乃知造物解戲人



千變萬化頃刻中吾恐文章要如此好把泉源驅筆鋒  
崑下觀瀑早晚異狀子文有詩輒次其韻

何麒

瀑色清明氣猶雄非煙非雲非白虹兜羅綿光透罨  
玳瑁吹影搖簾櫳風吹銀潢洒蒼壁月照玉柱擎青空  
誰言物象要有盡我覺端倪殊不窮思湧迴翔掀舞時  
句在縹緲空濛中更將七字寫亭午倚天長劍拖芒鋒

水簾

虞大博

疏水成簾造化功  
冷光千丈半巖風  
層霄蟬蛸正鋪地  
蒼海珠璣却墮空  
天下奇觀更何處  
騷人幽詠未全工  
要知出壑爭流意  
不向三巴直向東

遊卧龍山

丁謂

日長春老職司閒  
縱轡因尋負郭山  
花氣半飄青霽外  
泉聲多在白雲間  
香燈肅肅嚴僧事  
鐘梵泠泠爽客顏  
坐有詩人樽有酒  
擬拋朝市宿禪關

出郊題灤東人家屋壁二絕

馮時行

入坐山如屏障捲簾風滿衣襟正是梅花時候怡融渾  
似春深

風引晴雲度去鴈催殘葉飛來短景餘寒幾日安排都  
放花開

到夔州

曾慥

衆水歸三峽悠悠萬古情白鹽無路到赤甲罕人行西  
瀼泉尤勝東屯穀有名豐年公事少飽暖荷恩榮

夔州

冉居常

縹渺飛樓壓舊城年年來聽峽猿吟衣裳慣見秋風冷  
夢寐常愁塞日陰霜露園林千古事波濤鷗鷺一生心  
祇應庾信頻飄泊且坐江關緣分深

夔州歌簡晁子西

王從道

白帝夔州萬古城全蜀東門下相控瞿塘滌瀨勢蘄絕  
赤甲白鹽形瀕洞峽雨關雲朝暮征煙葉水花洲渚共  
少使冥冥減光輝山川草木人誰諷明知風月待組織  
可笑可笑浪嘲弄逸亭野老泛舟來迫立蒼茫遊覽縱

旋提燕拂呵物象試吐清音激鸞鳳江頭一見晁廣文  
客裏新詩如供奉天生之子映昭代清才突出萬人衆  
一來道合事襟期有作正須形淮頌下瞰一隅會萬景  
豈無江靈爲供送請君作詩如畫圖收拾形容未宜空

清江曲送宋尚德自峽中回 明詹同

清江水清峽水黃清江之上多綠楊浣花女兒立沙際  
青裙白足如秋霜蜀山雪消十日雨一夜扁舟欲齊樹  
兩岸猿聲不肯休送君流向峽州去

長江萬里圖

楊基

我家岷山更西住正見岷江發源處三巴春霽雪初消  
百折千回向東去江水東流萬里長人今漂泊尚他鄉

煙波草色時牽恨風雨猿聲欲斷腸

先生原籍蜀中嘉州人因祖仕江左


生長吳中  
遂家焉

峽中作

安磐

水下夔門滌瀨堆一山中斷兩屏開昭君村抱琵琶峽  
神女祠連雲雨臺側壁倒崖無鳥過古藤昏樹有猿哀

懸燈夜泊風波惡賴此深山月下杯



欽定四庫全書

卷九

全蜀藝文志卷九